

四庫全書

子部

欽定四庫全書

子部

證治準繩卷一百十三

詳校官太醫院醫士 臣舒岱

編修臣倉聖脈覆勘

總校官進士 臣朱 鈐

校對官典簿 臣 郭祚熾

謄錄監生 臣 饒文洲

欽定四庫全書

證治準繩卷一百十三

明 王肯堂 撰

外科

足部

十八

脚發

靈樞云發於足上下名曰四淫其狀大癰不急治之百日死發於足勝名曰厲癰其狀不大初從小指發急

治去之其狀黑者不可消輒益不治百日死 薛脚發
之證屬足三陰經精血虧損或足三陽經濕熱下注若
色赤腫痛而潰膿者屬濕熱下注為可治若色微赤微
腫而膿清者屬精血虧損為難治若黑黯不腫痛不潰
膿煩熱作渴小便淋漓者陰敗未傳惡證也為不治其
法濕熱下注者先用隔蒜灸活命飲以解壅毒次服益
氣湯六味丸以補精氣若色黯不痛者着肉灸桑枝灸
以行壅滯助陽氣更用十全大補湯八味丸壯脾胃滋

化源多有復生者若專治其瘡復傷元氣吾未見其生者 閣老靳介菴脚指縫作痒出水腫焮脚面敷止痒之藥不應服除濕之劑益甚余以為陰虛濕熱下注用六味地黃丸補中益氣湯愈 大叅李北溪左足赤腫作痛此足三陽經濕熱下注先用隔蒜灸活命飲一劑其痛頓止灸患處出水赤腫頓消次用托裏消毒散四劑灸患處出膿而愈 儒者楊舉元患此微腫痛微赤焮此足三陽經陰虛濕熱下注用隔蒜灸托裏散而起

發用十全大補湯而膿成又與加減八味丸料百劑而
斂一儒者患此腫硬色白兩月餘矣此足三陰經虧
損為外寒所侵用大防風湯及十全大補兼服而消後
場屋不利飲食勞倦前症復作盜汗內熱飲食不化便
滑肌瘦此脾土虛寒而命門火不能相生用八味丸益
氣湯百餘劑喜其年壯得愈一男子脚心發熱作渴
引飲或用四物芩連黃檗知母葶腹痛作嘔煩熱大渴
此足三陰虧損前藥復傷脾胃也先用六君加炮薑數

劑而脾胃醒再用補中益氣加茯苓半夏而脾胃健乃
以加減八味丸兼服半載而愈 一儒者脚心發熱作
痒以滾湯浸漬潰而出水肌體骨立作渴吐痰此脾腎
虛而水泛為痰也服益氣湯六味丸年餘元氣復而諸
證愈 少宗伯顧東江面黧作渴余曰此腎經虧損當
滋化源以杜後患彼雖然之而終不服次年九月內左
足面患疽色黯不痛脚腿沉重用隔蒜灸三十餘壯足
腿即輕瘡出血水數日而消瘡色仍黯時公將北行賀

祝萬壽余診之曰脾脉衰憊陽氣虛極不宜遠行公曰
余得夢屢驗向夢羣仙待我此壽徵也至河間驛聚仙
堂病篤歎曰立齋豈能留我果卒於此亦異數也

脫疽

靈樞云發於足指名曰脫癰其狀赤黑者死不治不赤
黑者不死治之不哀急斬之否則死矣 鬼遺云瘡敦
疽發兩足指五日不冗死四日可刺其色發黑癰者不
堪未過節者可治 足指生疔重者潰而自脫故曰脫

疽或曰惟足大指患之為脫疽其餘足指患之曰敦疽
易治惟脫疽難治 初發結毒焮赤腫痛者以五神散
及以紫河車金線鈞葫蘆金雞舌金腦香搗爛敷及以
汁塗傳又以萬病解毒丸磨醋煖塗之 未成焮痛者
除濕攻毒更以隔蒜灸之至不痛用十二經消毒散加
引經藥若腫勢盛未得緊急者宜作蛇傷治之及作瘡
氣治之効 未成焮痛或不痛或大痛者宜隔蒜灸更
用解毒以消毒萬全湯臨證加減 未成若色黑急割

去速服補劑庶可救若黑涎上不可治 未成若色赤
焮痛者托裏消毒更兼灸以人參敗毒散去桔梗加赤
牛膝銀花白芷大黃痛止次以十宣散加天花粉金銀
花赤牛膝 未成欲成若色紫不痛隔蒜灸五十壯尚
不知痛又明灸之 活命飲次以托裏散潰脫而愈

未成欲成大痛色赤而腫隔蒜灸至痛止以加味荆芥
敗毒散加赤牛膝銀花白芷大黃次以活命飲 薛脫
疽因醇酒炙燂膏粱傷脾或房勞損腎故有先渴而後

患者有先患而後渴者若色赤作痛自潰者可治色黑
不潰者不治色赤作痛者元氣虛而濕毒壅盛也先用
隔蒜灸活命飲托裏散再用十全大補湯加減八味丸
色黯不痛者腎氣敗而虛火盛也隔蒜灸桑枝灸亦用
十全大補湯加減八味丸則毒氣不致上侵元氣不致
虧損庶可保生亦有因修手足口咬等傷而致者若元
氣虛弱或犯房事外塗寒涼內服尅伐損傷脾胃患處
不潰若黑黯上延亦多致死重者須當以腳刀轉解周

界輕搜去之則筋隨骨出而毒得洩亦不痛否則毒筋
內斷雖去而仍潰且偏僻之處氣血罕到藥難導達况
攻毒之劑先傷脾胃不若灸法為良重者須解去為善
故孫真人云在肉則割在指則截蓋親之遺體雖不忍
傷而遂至天殁則尤傷矣况解法無痛患者知之 一
人足指患此焮痛色赤發熱隔蒜灸之更以人參敗毒
散去桔梗加金銀花白芷大黃二劑痛止又十宣散去
桔梗官桂加天花粉數劑而平 一人年踰四十左足

大指赤腫焮痛此腎經積毒下注而然名曰脫疽喜色
赤而腫以人參敗毒散去人參桔梗加金銀花白芷大
黃二劑更以金銀花甘草節瓜蒞四劑頓退再以十宣
散去桔梗桂加金銀花防已數劑愈 一人患此色紫
赤不痛隔蒜灸五十餘壯尚不痛又明灸百壯方知乃
以敗毒散加金銀花白芷數劑而愈 一膏梁年踰五
十亦患此色紫黑脚焮痛孫真人曰脫疽之證急斬之
去毒延腹必不治色黑不痛者亦不治喜其飲食如故

動息自寧為瘡善證遂以連翹敗毒散六劑更以金銀花甘草節瓜蒌二十餘劑患指潰脫更以芎歸生芩連翹金銀花白芷二十餘劑而愈次年忽發渴服生津等藥愈甚服八味丸而止 大抵此症皆由膏粱厚味或房勞太過丹石補藥所致其發于指微赤而痛可治治之不愈急斬去之庶可保否則不治色紫黑或發于脚背亦不治或先渴而後發或先發而後渴色紫赤不痛此精氣已竭決不可治 一芻蕘左足指患一泡麻木

色赤次日指黑五日連足黑冷不知疼痛脉沉細此脾胃受毒所致進飛龍奪命丹一服翌日令割去足上死黑肉割後骨始痛可救治以十全大補湯而愈蓋死肉乃毒氣盛拒截榮氣所致况至陰之下血氣難達經云風淫末疾是也向若攻伐之則邪氣乘虛上侵必不救矣 一人足指患之大痛色赤而腫隔蒜灸之痛止以人參敗毒散去桔梗加金銀花白芷大黃而潰更以仙方活命飲而痊 一人足指患之色黑不痛令明灸三

十餘壯而痛喜飲食如常予謂急割去之速服補劑彼不信果延上遂致不救 一人足指患之色紫不痛隔蒜灸五十餘壯尚不知痛又明灸百壯始痛更投仙方活命飲四劑乃以托裏藥潰脫而愈 一人足指患之色赤焮痛作渴隔蒜灸數壯以仙方活命飲三劑而潰更服托裏藥及加減八味丸潰脫而愈若早用前法不至於此 一膏梁之人先作渴足熱後足大指赤痛六脉洪數而無力左尺為甚余謂此足三陰虛當滋化源

為主固服除濕敗毒等藥元氣益虛色黯延足余乃朝
用補中益氣湯夕用補陰八珍湯各三十餘劑及桑枝
灸潰而膿清作渴不止遂朝以前湯送加減八味丸夕
用十全大補湯三十餘劑而痊是時同患此證服敗毒
之藥者俱不救

附方

五神散 搽一切瘡毒蛇傷蝎螫大効

金線釣葫蘆

紫河車

各二錢

續隨子

去殼

雄黃

各一錢

麝

香

少許

為末醋調塗患處蛇傷以刀割去損內以末乾搽或以唾調搽或加騎蛇獅子根葉同前搗用亦妙

洗瘡方

水苦齊 槐枝葉 柳枝葉 嫩柏葉 小青葉

連義大青 煎藥水浸洗

脚氣瘡

夫腎主于脚若腎虛為風濕所搏攻於脚膝則名脚氣

因其氣血壅滯濕毒氣盛在於膚腠不得宣通故令
脚上生瘡也若風毒不散其瘡漸增黃水腫痛身體
壯熱經久難瘥也

犀角散 治脚氣風毒生瘡腫痛心神煩熱

犀角屑 天麻 羌活 去蘆 枳殼 麩炒 防風 黃芪 各去

蘆白蒺藜 黃芩 白蘚皮 各七錢半 欖榔 一兩 甘草 炙半兩

烏蛇 二兩 酒浸

每服八錢水一中盞半生薑五片煎一大盞去滓溫服不拘時

漏蘆丸 治脚氣腫盛生瘡久不瘥膿血長流疼痛

漏蘆

秦艽

各去蘆

歲時

枳殼

剉炒去穢

檳榔

川大黃

各一兩

防風

獨活

黃芪

各去蘆

黃芩

五加皮

赤芍

藥

各七錢半

烏蛇

二兩酒浸

右研為細末煉蜜和搗二三百下丸如桐子大每服三四十九溫酒送下不拘時

鹿茸丸

治脚氣腿腕生瘡

鹿茸

酥炙另搗成泥

五味子

當歸

去蘆二味為末

熟地黃

搗膏

右等分酒糊和九梧子大每服三四十九温酒或鹽湯
食前下次服後方

又方

川芎

當歸

去蘆各
等分

右研為細末每服二三錢煎荊芥湯調下空心日進二服
治脚氣脚上生風毒瘡腫疼痛

漏蘆

白斂

槐白皮

五加皮

甘草

各七
錢半

茯苓子

三
兩

右每用五兩水一斗煮取六升去滓看冷熱無風處淋洗之

蠶礬散 治脚爛瘡

竹蛀屑 蠶燒灰 紅棗燒存性 黃丹 白礬枯 韶粉

右各等分為細末摻之

龍骨散 治脚疽并久遠惡瘡他藥無效者

白龍骨二錢半研 輕粉二錢半 檳榔一錢研 豬糞不以多少新瓦上焙

龍入火中燒令紅取出
存性研為細末五錢

右研勻先以口含薑水或溫鹽湯洗令瘡淨見肉却以真麻油調藥隨瘡大小傅之未愈再傅三五日可

甲疽

嵌甲

足三陰經皆起於足指氣血沮而不行結於指甲之間能成甲疽凡以經絡之所流注非特肌肉之病也或得於剪甲傷肌或得於甲長侵肉或得於履絢之不適使氣血沮遏而不通腐潰為疽久則爛指上引於脛膝之間而瘡疱者是已然病在四末不必治其內惟塗傅滌濯去惡而除穢及適其行履則愈矣 按足指在人體最下氣血易沮藥力難到虛弱之人小有破損即成瘡

瘍久而不斂况其大者非大補氣血豈能易愈此云病在四末不必治內非通論也 一婦修甲傷次指成膿不潰焮痛至手誤敷冷藥以致通潰飲食少思彼為毒氣內攻診脉沉細此痛傷胃氣而然遂刺之服六君子加藿香當歸食進更以八珍湯加黃芪白芷桔梗月餘而愈 一人傷拇指色紫不痛服托裏藥及灸五十餘壯作痛潰膿而愈 一幼女因凍傷兩足至春發潰指俱壞令取之服大補藥而愈 一女患嵌甲傷指年餘

不愈日出膿數滴予謂足大指乃脾經發源之所宜灸
患處使瘀肉去陽氣至瘡口自合否則不治彼忽之不
早治後變勞症而歿 蓋至陰之下血氣難到女人患
此多因紮縛致血脉不通或被風邪所襲則無血氣榮
養遂成死肉惟當壯脾胃行經絡生血氣則愈有成破
傷風以致牙關緊急口眼喎斜者先玉真散一二服後
投以生血通經則可 一男子修傷足指色黑不痛而
欲脫余曰此因陽氣虛不能運達於患處也速去之速

服補劑以壯元氣否則死肉延足必不救矣不信果黑爛上脛而死大抵手足氣血罕到之地或生瘡或傷損若戕其元氣邪氣愈甚潰爛延上必死不潰而色黯者亦死若骨斷筋皮尚連者急剪去之精要治甲疽因剔甲傷肌或因甲長侵肉遂成瘡腫痛復緣穿靴研損四邊腫焮黃水出浸淫相染五指俱爛漸漸引上脚踏泡漿四邊起如火燒瘡口日夜倍增醫方所不能療者用綠礬五兩形色似朴硝而綠色置於鐵板上聚炭封

之吹令火熾其礬即沸流出色赤如鎔金汁者是真也
候沸定汁盡去火待冷取出研細色似黃丹收之先以
鹽湯洗瘡帛拭乾用此末傅之愈

聖惠蝦蟆散 治甲疽皮厚腫痛

蝦蟆灰

半兩

黃連

研末

膩粉

各半分

麝香

研

雄黃

研

枯白礬

研各半錢

杏仁

七粒

熬黑研如泥

鹿角

七寸

燒透細研末

蝮蛇膽

半錢

相和研勻以臘豬脂調如膏先以甘草蛇床槐白皮
煎湯洗瘡拭乾傅藥以油單紙裹外更着綿帛裹之

三日其利肉利甲皆當自落三日一換

豬蹄湯

治甲疽及諸癰疽惡瘡有息肉

豬蹄

生者
二隻

白斂

白芷

狼牙

芍藥

各三
兩

黃連

黃芩

大黃

獨活

各二
兩

右為咬咀先以水三斗煮豬蹄至一斗五升候溫洗

瘡拭乾敷藥愈

白礬散

治男女血風毒氣攻手足指生甲疽瘡久不

瘡者努肉裏甲疼痛出血不定用此縮肉乾瘡

白礬

石膽

各半兩

麝香

騏驎竭

朱紅

各一分

將白礬石膽於鐵器內以炭火煨過入後三味同研令細每用少許乾摻瘡上以絹帛子纏定日兩三度換之

白礬散

治甲疽

白礬

燒灰一兩

麝香

蘆薈

蚶蛇膽

各半分
研細

右以漿水洗瘡乾傅之洗瘡日三兩上以瘡為度

馬齒散

治甲疽

牆上馬齒莧

陰乾
一兩

木香

丹砂

研
細鹽

研細
灸用
各二錢半

除丹砂鹽外剉碎拌勻於熨斗內以皮灰火燒過取出
細研即以丹砂鹽末再炒令勻旋取傅瘡上日三兩
度

蔞茹膏

治甲疽日夜培增赤肉生甲邊裹甲者

蔞茹

黃芪

各二兩

豬脂

右吹咀苦酒浸一宿與豬脂一處微火上煎取二合絞去
粗以塗瘡上日三兩度其赤肉即消散

綠礬散

危氏

治甲疽

右綠礬半兩燒熟蘆薈二錢半麝一匙各研如粉用絹袋盛藥納所患處指袋中綿紮定瘡為度

蛇黃散

海上方

治甲疽腫爛生脚指甲邊赤肉努出時瘡

時發又治嵌甲生入肉常血疼痛

用雄黃半兩蛇蛻一分燒同研如粉先以溫泔洗瘡上軟以尖刀子割去甲角拭乾藥傳上用軟帛裹半日許藥溫即易一日即除痛便止一方用漿水洗淨

以橘刺破一方有黃芪無雄黃

乳香傳方 治甲疽努肉裹甲膿血疼痛不瘥

用乳香膽礬各等分研細末時時傅之 大凡此疾
頂是剔去甲不藥亦愈或已成瘡久不瘥即用此方
一方二味燒灰為末傅之一方用礬燒灰傅瘡

牡蠣散 治甲疽

右用牡蠣頭煨研末每服二錢研葶花酒調下一日

三服

烏梅散 治甲疽多年不瘥肉膿血疼痛

右用烏梅十枚燒灰研為散傅瘡上日三易

又方用鹽梅燒灰傅爛搗裏亦可

丹嵌甲陷甲割甲成瘡久年不瘥者用黃檗烏頭尖等
分為末洗淨貼之

事蛇治嵌甲累効方

硃砂

乳香

並研末
各一錢

膩粉

半錢 椒攬核

燒存性
三枚

黃丹

一字

右研為末以生麻油調先以鹽湯洗淨挹乾傅之二次

即效

砂糖方 治嵌甲

右用琥珀糖是砂糖熬成小毬兒者燒存性入輕粉麝香麻油傳 甲嵌入肉者不過一兩日自爛陳仲山寺丞方云治嵌甲別生及無他病者無所損神效乳沒散 治嵌甲

用紫馬糞三塊各青布一片包了於新瓦上炭火煨存性研細末每半兩入沒藥拾文輕粉拾文麝香少

許先以葱椒湯洗拭乾口含甘草漿水吐在瘡上再
洗拭淨傳藥濕者乾搽乾者生油調塗初貼一夜極
痛不過三次即去根本昔有人患此二十五年百藥
不効一傳而安

烏倍散

百一
選方

治嵌甲

草烏頭

半兩

白牽牛

一兩

五倍子

四兩
全者

龍骨

二錢
半

先將上三物搥碎同炒五倍子令焦黑色去三物不
用只取五倍子為末瘡乾用麻油調塗濕即乾貼

黃連散百一 治嵌甲

黃連 韶粉 黃礬 軟石膏

煨各等分

右研為細末，用水洗瘡，令淨，軟帛拭乾，以新汲水調塗瘡上，兩日一次愈。

香胭脂散

百一一名麝香散

治嵌甲侵肉不瘥

五倍子

燒黑存性

染胭脂

各等分

麝香

少許

右研為細末，搽患處愈。

雄蟬散 治嵌甲

雄黃

通明者 蟬退 三枚 酥炙 各為細末

右研和勻濕者乾搽乾者用津入輕粉少許調塗

陀僧散 治割甲侵肉不瘥

白礬

飛過 蜜陀僧 各等分

右研為末乾搽帛裹之亦治脚臭一方用礪砂不用陀僧

黃芪方 治陷甲生入肉常有血疼痛

黃芪

當歸 各等分

右研為末貼瘡上若有惡肉更研少許硫黃末同貼

蓋水駐車丸 治嵌甲膿出痛不可忍

右蓋水口噙淨洗却用駐車丸研細傅之

方見雜病滯下

又方 治嵌甲用乳香研細搽之

又方 治欲去甲者用綿逐旋摺入甲內漸添之靱起
次用剪子去之

治嵌甲 以鴉嘴膽礬為末搽之

乳香散 治嵌甲痛不可忍有妨步履

紫藤香

半兩乳香半錢

古半兩錢

半錢輕粉少許

麝香當門子少許

為末細絹羅過每用少許先以甘草湯洗患處用舊絹
挹乾然後傅藥即以燈草塞之

訶子散 治嵌甲流膿經久不瘥

訶子

二枚

降真香 青黛

各一錢研

五倍子

半兩

研為末次入青黛一處研勻先用葱鹽湯洗淨剪去
指甲用藥乾貼縫內或用麻油調傅

膽礬散 治嵌甲

膽礬

一兩

麝香 一字二味

同研細

右以葱鹽湯洗淨患處把乾傅藥少許

神應散 治足大指角急為甲所入肉便刺作瘡不可
着靴履脚指濕爛婦人有此

右白礬燒汁盡取末着瘡中食惡肉生好肉細細割
去甲角旬日即瘥加雄黃少許同研摻之

脚指縫爛瘡

治脚指縫爛瘡鵝掌皮燒灰存性為末傅之

桐油塗亦妙

足跗發

鬼遺云陽疽初足跌及足下二十日不冗死十日可刺
發赤白膿血不多其瘡上痒及赤黑者死 跗亦作跌
足面也其處結毒腫痛亦名足發背屬足厥陰肝陽明
胃經之會多因濕熱乘虛而下注宜服活命飲加木瓜
肉桂牛膝及隔蒜灸之繼以十全大補湯托裏溫中湯
膿稠可治膿清紫陷者死 一人脚背患此赤腫作痛
隔蒜灸三十餘壯痛止以活命飲四劑而潰更以托裏
消毒藥而愈 一人脚背患之色黯而不腫痛煩躁大

渴尺脉大而澁此精氣已絕不治後歿 趙子固母劉氏年六十左足面一瘡下連大指上延外踝以至膝骨每歲輒數發發必兼旬累月昏暮痒甚抓搔移時出血如泉流呻吟痛楚殆不可忍夜分即漸已明日復然每一更藥則瘡轉大而劇百試不驗如是二十餘年淳熙甲辰仲冬之末先生為太府丞一夕母病大作相對悲泣無計困極就睡夢四神僧默出一室傍有一長榻子固亦坐因而發嘆一僧問其故子固答之以實僧云可

服牛黃金虎丹又一僧云硃砂亦可既覺頗驚異試取藥半粒強服之良久大痛舉家相泣且悔俄而下礪硯物如鐵石者數升是夕瘡但微痒不痛而無血數日成痂自此遂愈硃砂之說竟不復試先生因圖僧像如所夢者而記其事金虎丹出和劑局方本治中風痰涎壅塞所用牛黃龍腦膩粉金箔之類皆非老人所宜今乃取竒効意熱積臟腑而發於皮膚歲久根深未易洗滌故假涼劑以攻之不可以常論神僧之夢蓋孝感云

牛黃金虎丹

牛黃

研二兩半

龍腦

生研伍兩

膩粉

研二十兩

雄黃

研飛一百五十兩

白

礬

枯過二兩

金箔

八十片為衣

天雄

炮去皮臍研十二兩半

天竺黃

研

二

十五兩

天南星

湯洗焙二十五兩

研末用牛膽汁和作餅陰乾無牛膽用法酒蒸七晝夜研

右為細末煉蜜搜和每一兩半作十九丸以金箔為衣每

服一九新汲水化下有孕婦不可服

牛膝散

治足蜘蛛背

雞屎子

詐死子

兩面龜

赤牛膝

紫金皮

山

蜈蚣 凌霄根 脫殼藤 赤葛根 天布瓜根 背子
蜈蚣 用水煎入酒和服

敷藥方

大蕎麥 鹿葱根 紫金皮 山布瓜 凌霄根 藜蘆
子 天南星 赤葛根 雞屎子 苦薄荷 天布瓜
背子蜈蚣 同砍爛入些醋暖塗敷

又方 地燈心砍爛縛之

又方 金雞舌砍爛縛之

又方 臭藤天布瓜根砍爛酒炒敷之

又方 紫龍蘇搗酒服以查敷患處

百草膏 治脚面惡瘡如桐油浸淫延漫及治一切惡瘡不問乾濕痛痒日近年深百藥不瘥者

右用羊糞二三十粒留瓦上四畔炭火燒烟住火筋
鉗于地上以蓋覆存性羅成白灰研細以紗片篩去
沙土麻油調敷痒入輕粉痛入麝香少許

足跟疽

或問足跟生疽何如曰是名兔齧以其狀若兔齧故以
為名屬足太陽經穴名申脉在足跟骨下此處乃陰陽
二蹻發源之所由藏府積熱所致其毒深重最忌毒藥
敷貼宜隔蒜灸之及服活命飲加牛膝肉桂或勝金丹
烏金散紫金丹選用若紫陷麻木神昏脉亂者不治過
時潰爛者有妨飲食二便不調或涉房勞怒氣迷悶者
死 薛足跟乃督脉發源之所腎經所過之地若飲食
失節起居失宜虧損足三陽經則成瘡矣若漫腫寒熱

或體倦少食屬脾虛下陷也用補中益氣湯若晡熱作痛頭目不清屬脾虛陰火也前湯并六味丸若痰涎上升或口舌生瘡屬腎水乾涸也前湯并加減八味丸凡此皆當滋其化源若治其外則誤矣俗云兔啣瘡者蓋獵人被兔咬足跟久而不斂氣血滯盡而死 大尹陳汝鄰兩腿酸軟或赤或白足跟患腫或痛或痒後痛而或如無皮忽如皴裂日晡至夜脹痛焮熱用補中益氣湯加八味丸料補其肝腎而愈 一男子足跟作痛熱

渴體倦小便如淋誤用敗毒散致頭痛惡寒欲嘔不食吐痰咳嗽此足三陰虧損而藥復傷余用十全大補湯加減八味丸各五十餘劑而愈 一男子素不慎起居內熱引飲作渴體倦兩足發熱後足跟作痛或用清熱除濕之劑更加發腫又服敗毒之藥焮赤痛甚恪用法毒清熱潰裂番張狀如赤榴熱痛如錐內熱晡熱此因足三陰虧損朝用十全大補湯夕用加減八味丸外敷當歸膏兩月餘而愈其服消毒等藥而沒者不能枚舉

一男子亦患此服消毒散搽追蝕藥虛症疊出其形體骨立自必死余用十全大補加山茱山藥兩月餘而愈 一膏粱之人兩足發熱作渴左尺脉數而無力余謂此足三陰虧損防患疽不信反服清熱化痰之藥更加晡熱頭暈又服四物黃檗知母日晡熱甚飲食漸少脚小面發疽余用補中益氣六味地黃丸百餘服而愈其不信患疽以攻不起者多矣 一人脚跟生毒如豆許痛甚狀似傷寒以還少丹內塞散治之稍可次因

納寵作痛反服攻毒藥致血氣弱腿膝軟痿而死蓋足
跟乃二蹻發源之處腎經所由之地瘡口不合則蹻氣
不能發生腎氣由此而泄故為終身之疾况彼瘡先得
于虛復不知戒雖大補氣血猶恐不及安服攻毒暴悍
之藥以戕賊乎

海藏云足跟瘡久不愈毒氣攻注用白朮一味為細末
先以鹽漿水溫洗乾貼之二日一換可以負重涉險一
婦人足跟足指腫痛足心發熱者皆因胎產經行失於

調攝虧損足三陰虛熱所致若腫痛或出膿用六味丸
為主佐以八珍湯胃虛懶食佐以六君子湯寒熱內熱
佐以逍遙散晡熱益甚頭目不清佐以補中益氣湯痰
盛作渴或口舌生瘡亦用前二藥以滋化源大凡發熱
晡熱內熱自汗盜汗等證皆陰虛假熱也故丹溪謂火
起九泉陰虛之極也男子酒色過度者多患此證一
婦人素血虛因大勞兩足發熱晡熱月經過期或用四
物芩連飲食少思胸痞吐痰用二陳枳實黃連大便不

實吐痰無度足跟作痛余曰足熱晡熱月經過期肝脾
血虛也胸痞吐痰飲食少思脾胃氣虛也蓋胃為五臟
之根本胃氣一虛諸病悉至先用補中益氣加茯苓半
夏脾胃漸健乃佐以六味丸補脾腎不兩月而痊一
婦人經候不調發熱晡熱胸膈不利飲食少思服清熱
寬中消導之劑前症益甚更兼肢體酸痛服除濕化痰
等藥經候兩三月一至服通經降火之劑足跟足指作
痛其熱如炙余以為足三陰虧損用補中益氣六味地

黃兩月諸證漸退又用前湯并八珍湯兩月而康一
婦人足跟患腫兩腿酸軟或赤或白或痛或痒或如無
皮或如皴裂日晡至夜脹痛焮熱此屬足三陰虛損用
加減八味丸及逍遙散加熟地川芎百餘劑而餘一
婦人勞則足跟熱痛余作陰血虛用八珍而愈痊後徧
身瘙痒服風藥發熱抽搐肝脉洪數此肝家血虛火盛
而生風以天竺膽星為丸用四物麥門五味苓連炙甘
草山梔柴胡煎送而愈一婦人兩足發熱足跟作痛

日晡熱甚余謂腎肝血虛用逍遙散六味丸五十餘劑
諸症悉愈

或問足跟之旁生疽何如曰此名琉璃疽屬足太陽經
其色黃腫如琉璃多由行路崎嶇胸傷筋骨脉而成寒
熱併作元氣不足嘔吐昏迷者難治急服五香湯活命
飲勝金丹烏金散選用壯實者一粒金丹或八陣散下
之

足心癰

鬼遺云兩脚心發徹骨者不治如脚心微皮破不至深發膿不多者可治 足心發毒腫痛亦名涌泉疽俗名病穿板又名穿窟天地屬少陰腎經虛損所致宜隔蒜灸之實者服活命飲送六味地黄丸有表裏證量為汗下虛者十全大補湯八味地黄丸大劑不問晨夜投之潰爛嘔逆迷悶脉微代者死

五靈散 治病穿板亦治穿掌

赤梗 金腦香 山蜈蚣 脫殼藤 紫金藤

右水煎入酒

敷穿板藥

右用地燈心桁糊根用醋蒸薰之併敷上

又方 滑菜根斫爛縛之

又方 仙人掌根水楊梅根二味斫爛縛之

浸洗藥 赤梗紅花蜈蚣煎水洗浸之

肉刺

肉刺者生於足指間形如硬胝與肉相附隱痛成刺由

靴履急窄相摩而成

松脂膏 治肉刺

右用松脂白膠香各一兩黃臘半兩火上鎔成膏候冷方

貼用物紮定

蕪食膏 治肉刺

右用蕪食子三枚肥皂角一挺燒令烟盡細研以醃醋

砂盆內別磨皂角如糊和末敷之立効

黃硫散 治肉刺

右用薰陸香石硫黃各等分研勻塗肉刺上以燒釵烙之效

蟾酥膏 治肉刺

右用蟾酥五片湯浸濕膩粉一錢先將蟾酥於盆中以膩粉同和令勻後用針撥破頭邊然後塗藥密縛之



證治準繩卷一百十三

欽定四庫全書

子部

證治準繩卷一百十四

詳校官太醫院醫士 臣舒岱

編修 臣 倉聖脈覆勘

總校官進士 臣 朱 鈐

校對官助教 臣 卜維吉

騰錄監生 臣 徐 漢

欽定四庫全書

證治準繩卷一百十四

外科

諸腫

無名腫毒者不拘於頭面手足胸腹等處焮赤腫硬結核疼痛又名腫瘍又名虛瘍也恒腫無頭無面者俱是也腫勢盛者以稜針刺去惡血切不可用火針烙之

明 王肯堂 撰

惡寒發熱或頭疼或拘急宜表散之以荆防敗毒散

腫勢盛表裏俱實者追疔奪命湯 無表裏證腫勢盛

者以兩面龜散 若暴發赤腫切不可針破只宜以

洗腫方淋洗以八仙膏解毒丸等藥塗之 若急切即

用金腦香葉田茶菊搗酒煖服以渣敷患處以汁刷患

處 尾尻骨處結毒如桃李之大紅赤焮痛不能行動

此名病蝮用芙蓉葉搗酒炒縛爛者以蝮尾殼火煨存

性為末用麻油調搽即愈大効 紫游虛瘍用魚苞子

根煎水入酒和服又以水荔枝花葉赤子葉搗刷有熱者
以追疔奪命湯加雞屎子雞距根 手背脚背腫大有
赤痕如蝦之狀名病蝦證也用油炒鹽糟令香以熱湯
淬之泡湯乘熱淋洗之即消要服痲瘍藥 膝內腫近
摺紋之處結核腫痛但核形長如魚之狀名上水魚以
稜針亂刺去惡血以搯枯雷廷藤山樟子葉搗糟炒縛
之又用山雷廷藤赤牛膝山蘇木搯枯搗鹽糟炒縛又
方雷藤鼈尿管藤根皮搗糟炒縛之又方魚苞子搯枯搗

糟炒縛之又方山雷廷根皮椿枯搗糟炒縛及用七聖膏敷之却以九金六馬散服之 遍身起如風疹疥丹之狀其色白不痛但搔痒抓之起白疔名曰蛇虱用油穢田肥株山樟子葉樟樹葉柏葉煎水入些醋洗之又方只用柏葉一味煎水洗更速也要服苦參丸蠟礬丸金銀皂角丸 脚背或脚趾腫痛不可忍以脚高懸起其疼方止些若以脚垂下其疼不可當也名曰倒拔腫瘍先用兩面龜一味煎酒服次服兩面龜散如不應以

犀角磨酒服大効 耳中疼痛不可當者名曰腦裏虛
瘍宜以金腦香根或葉搗爛入井水少許濾去渣入片
腦半分研勻滴入耳中即効又用根磨薄荷湯入少酒
和服又用金雞舌苔參青木香金鳳尾搗水入片腦少
許和勻濾淨滴入耳中又服兩面龜散及以水坊子根
煎水入酒和服 紫遊風用紫茶根皮搗水刷又方加
紅心蜈蚣小金錢豆辨草馬蹄草金鶯葉尾搗水入些
醋煖刷之

附方

兩面龜散 治一切腫瘍焮赤無名腫毒疼痛者

兩面龜 雞屎子 雞距根 詐死子 真珠美

山烏豆 紫金皮 脫殼藤 魚桐根 山淡豉

連義大青 沿地雞距

右水煎入酒和服 發熱加水坊根吉面消 骨裏

痛加紫金藤馬蹄金鐵馬鞭 又方加白朮待根山

芙蓉根山苧根川山蜈蚣

雞屎子散 治虛瘍

雞屎子 詐死子 冬青根 楊香根

右水煎入酒和服

退熱消毒散 治無名腫毒發熱者

雞屎子 雞胆根 水坊根 臭木待 白根子

山烏豆 苦花子 紫金藤 金腦香 吉面消

連義大青 落鴉爪藤 大葉小青 過山龍梗

大葉金涼傘

右薄荷煎服

天花刮毒散 治一切腫毒焮赤疼痛

天花粉

黃礬

各三兩

南星

赤芍藥

薑黃

各一兩

為末井水調入些醋和煖刷患處夏月冷刷亦可

退腫消核散 治一切無名腫毒及結核赤腫者

艮脚根

四兩

紫金皮

樟柳根

各一兩

右為末用毛屎梯葉生地黃苦薄荷金腦香金鳳尾地薄荷赤薺子尻池葉不拘二三味取葉搗米泔水

入醋少許調勻煖刷 又方單用艮脚一味為末以

生赤樟柳根磨米泔調塗更妙

消腫劫毒散 治一切無名腫毒虛瘍等毒

毛屎梯葉

七分

雞屎子葉

三分

右末用米泔水調溫刷

又方 生樟柳根為末米泔水調溫刷或以毛屎梯葉

同刷亦妙

丹卒腫起大痛芫青根大者杵之和苦酒如泥煮三沸

帛上包之葛氏

風毒腫三年苦酒濃煎蔥白以布包熨

腫上

外臺秘要

治一切熱毒腫商陸根和鹽少許傳之日

再易

孫真人食忌

治一切毒腫疼痛不可忍者搗單麻仁

傳之立効

肘後方

治腫疾藜子一升炒黃杵細以香油

和如泥再炒令焦以舊布如腫之大小攤之貼腫上勿

開頭指上

外臺秘要

治惡刺及狐狸刺毒腫取蒲公英草

根白汁傳之多塗立瘥余七月十五日夜左手中指背

指著庭木痛不可忍十日後瘡日深漸高大痛欲死用

此而安

珠方

經患熱腫水研山豆根濃汁塗乾再塗

行臘月中以新瓦罐滿注熱水用朴硝二升投湯中攪散掛北簷下俟硝滲出罐外却收之以人乳汁調半盞掃一切風熱毒氣攻注目臉及發頭面四肢腫痛應手神効

山腫毒或疼痛處以赤小豆為末水調傳頻換或用香白芷水調傳尤妙 又方白芙蓉葉晒乾同皂角為末

水調傳

丹治諸處皮裏面痛何首烏末薑汁調膏以帛裹於痛處火灸皮鞋底熨之妙

經驗方

治一切赤腫但癰毒結未成者並可消

右用黃蜀葵花子不拘多少研細滴水令稀稠得所將絹帕子裹定旋挹所餘汁撲腫所四畔數撲之

犀角飲 治諸風腫

犀角

一錢

玄參

連翹

柴胡

去苗各半兩

升麻

木

通各七錢半 芒硝生用 麥門冬去心各一兩 沉香 檀香 射

干 甘草炙各二錢半

右剉碎每服五錢匕水一盞半煎至八分去渣食後
溫服及夜食後各一服利多即減一名犀角湯無檀
香

熨風散 治諸瘡因風致腫

羌活 防風 白芷 吳茱萸 細辛 當歸

芍藥 芫花 官桂各等分

右為麤末作一劑赤皮蔥連鬚細切半斤同醱醋拌
勻炒令極熱帛裹於瘡上熨之稍冷即換藥再熨之
上下痛止

蠶沙熨方 治風腫

晚蠶沙

鹽 各不拘
多少

右相和炒熱布裏熨之冷即再炒各入醋少許尤佳
水澄膏 治熱腫痛大効

大黃 黃檗 鬱金 天南星 白芨 朴硝

黃蜀葵花

各一兩

右為細末每用新水一盞半藥末二錢攪調勻候澄底者去浮水以紙花子攤於腫焮處貼之如急燥津唾潤之此藥除熱毒赤腫神効如皮膚白色者勿用之

石癰石疽

謂癰疽腫硬如石久不作膿者是也

犀角湯

治石癰熱毒氣盛腫硬疼痛口乾煩悶

犀角

鎊

木香

各七錢半

連翹

梔子仁

射干

當歸

切升麻 玄參 赤芍藥 枳殼麩炒 甘草生各一兩 大

黃炒二兩

右剉碎每服三錢水一盞煎至六分去滓不拘時溫

服

黃連散 治石癰結硬發熱紫赤色毒氣攻衝未定日

夜疼痛宜用此消腫化毒止痛

黃連 川大黃生 白蘇 馬牙硝 黃檗各一兩 麒

麟竭 青鹽各半兩 赤小豆半合 杏仁四十九粒 湯浸去皮尖研

右為細末蜜水調塗乾即易之

大黃散 治石癰腫硬疼痛心腹煩悶不得宣暢

川大黃一兩 川芒硝 黑豆皮 枳殼去穰麩炒各半兩

牛蒡子微炒 當歸 芎藭各二錢半 甘草生剉半兩

右剉碎分作三服每服水一盞煎至五分去滓不拘時溫服以利為度

治石癰堅如石未作膿者

右用生商陸根不拘多少熟搗傅之乾即易取軟為

度及治濕漏諸瘡癰羊城人用此方取効者多

沉香湯 治石疽腫毒結硬口乾煩熱四肢拘急不得

卧

沉香

防風

去

木香

各七錢半

麥門冬

去心

當歸

切

枳殼

麩炒

獨活

去蘆

麝

羊角

升麻

玄參

地骨皮

赤

芍藥

甘草

生剉各一兩

大黃

剉炒二兩

右剉碎每服四錢水一盞半煎至七分去滓不拘時

温服

癰疽
風疽

癰疽者肉中忽生點子如豆粒小者如黍粟極者如梅李或赤或黑或青或白其狀不定有根不浮腫痛傷之應心根深至肌經久便四面悉腫炮黯熟紫黑色能爛壞筋骨若毒散逐脉入臟殺人南人名為搨著毒厚肉處即割去之亦燒鐵烙之令焦如炭或灸百壯或飲葵根汁或飲藍青汁若犀角汁及升麻汁竹瀝黃龍湯諸單方治專去其熱取瘥其病喜著十指故與代指相似

人不識之呼作代指不急治之亦逐脉上入臟殺人南方人得之皆斬去其指初指頭先作黯泡後始腫赤黑黯瘰痛入心是也

治瘰疽秘方

射干 甘草 枳實 升麻 乾地黄 黃芩

各二

兩 麝香 分二 前胡 分三 犀角 分六 大黃 分十

右十味哎咀以水九升煮取三升下大黃一沸去滓納麝分三服瘥止不限劑數此方世所不傳神良

外臺

無黃芩深師加黃芩麻
黃白薇枳實升麻松葉

射干散 治瘰疽皮肉中忽生點子如麻豆大或如桃

李腫痛不可忍

射干 川升麻 枳實麩炒 川大黃劉微炒 甘草生用各一兩

麝香細研二錢半 前胡去蘆一兩半 麝羊角屑七錢半

右剉碎入麝香令勻每服四錢水一中盞煎至陸分
去滓不拘時溫服

丹砂膏 治瘰疽

丹砂細研射干 大黃剉炒犀角屑 前胡去蘆升麻

芎藭

黃芩

去黑心

沉香

木香

各一兩

生地黄

二兩麝

香

一錢二分半研

豬脂

二斤半

右除丹砂麝香豬脂外剉碎以醋半斤和勻浸一宿

先熬脂令沸次下諸藥煎候地黄赤黑色以綿紋去

滓入丹砂麝香末以柳篦攪勻甕盒盛傳患處日三

五上又取棗大以溫酒調空心日午服一方溫水調

下半匙

治瘰疽諸疽十指頭焮赤痛痒方

千金翼名
豬蹄湯

白芷 大黃 芎藭 黃芩 黃連 甘草 細

辛 藁本 當歸 藜蘆 莽草

各一兩

右十一味哎咀以水二斗先煮豬蹄一具取一斗煮藥取五升浸瘡即瘥

又方

竈屋塵 竈突墨 釜下土

各一升

右三味合研令勻以水一斗煮三沸取汁洗日三四

度

治癩疽著手足肩背忽發累累如赤豆剝之汁出者方

鯽魚

長三寸者一尾

亂髮

雞子大

豬脂

一升

右三味煎為膏傅之

又方 熬蕪菁子搗碎布裏展轉傅上良

又方 以麻子熬作末傅上良

又方 以豬膽傅之良

又方 亂髮灰服方寸 日三亦治發背

又方 煮芸薹菜取一升服之并食乾熟芸薹數頓少
與鹽醬冬月研子水和服之

又方 枸杞根并葵根葉煮汁煎令如糖隨意服之
治疽潰後方

以鹽湯洗拭了燒皂莢灰粉上良

又方 牛耳中垢傅之良

又方 梁上塵和車軋中脂傅之

又方 以生麻油滓綿裹布瘡上蟲出

治疽似癰而小有異膿如小豆汁今日去明日滿者方
芸薹孰搗濕布袋盛之埋熱灰中更互熨之不過再
三度安瘥冬用乾者

又方 皂莢煎湯洗瘡拭乾以槲皮為末傅之勿令作
痂

治疽卒著五指筋急不得屈伸者方

灸踝骨中央數十壯或三百壯

反花瘡

瘡有弩肉
凸出者是

薛翻花瘡者由瘡瘍潰後肝火血燥生風所致或瘡口
筋肉突出如菌大小不同或出如蛇頭長短不一治法
當滋肝補氣外塗藜蘆膏斂肉自入須候元氣漸復膿
毒將盡塗之有效不然雖入而復潰若誤用刀針蝕藥
灸火其勢益甚或出血不止必致寒熱嘔吐等症須大
補脾胃為善 判官張承恩內股患癰將愈翻出一肉
如菌余曰此屬肝經風熱血燥當清肝熱養肝血彼謂
不然乃內用降火外用追蝕蝕而復翻翻而復蝕其肉

益大元氣益虛始信余言遂內用梔子清肝散外用藜蘆膏而痊 一上舍素膏梁善怒耳下結一核從潰而瘡口翻張如菌焮連頭痛或胸脇作脹或內熱寒熱或
用清熱消毒之藥年餘未瘥余用補中益氣湯六味地黃丸而尋愈 一男子背瘡斂如豆許翻出肉寸餘用
消蝕割繫法屢去屢大此肝經血虛風熱余用加味道遙散三十餘劑塗藜蘆膏而消又用八珍散倍用參芪
歸朮而斂 一婦人素善怒臂患癰瘡口出肉長九寸

許此肝脾鬱怒氣血虛而風內動用加味道遙散塗藜
蘆膏而愈後因怒患處脹悶遍身汗出如雨此肝經風
熱風能散氣故耳仍用前散并八珍湯而愈 一男子
項患腫痰涎涌甚用散堅行氣等劑腫硬愈甚喘氣發
熱自汗盜汗體倦食少余曰此屬足三陰虧損當滋化
源不信反追蝕患處開翻六寸許嶮巖色赤日出鮮血
三月餘矣肝脈弦洪緊實余用大補湯加麥門五味五
十餘劑諸症漸愈血止三四復因怒飲食頓少其血湧

出此肝傷不能藏脾傷不能攝也用補中益氣湯為主
加五味麥門其血頓止再以六味丸加五味子常服瘡
口斂至寸許遂不用藥且不守禁而歿

藜蘆膏 治一切瘡疽努肉突出不問大小長短用藜
蘆一味為末以生豬脂和研如膏塗患處周日易之
臙脂散 治反花瘡

臙脂 貝母 胡粉 各一分
硼砂 沒藥 各半分

右研細先以溫漿水洗拭後傳藥

甘草塗傳方 治反花瘡

甘草

半生半炒

礬石灰

人中白

蜜佗僧

各半兩

右為細末以童子小便半盞以無灰火熬用竹篦攪成膏取塗瘡上日五次

惡實根塗傳方 治反花瘡並諸瘡積年不瘥者

惡實根

研末肆兩豬脂二兩

右調和如糊塗瘡上日三四次

諸瘡肉如蛇頭出數寸者硫黃末傳之即縮

聖惠

瘡

有肉凸出烏梅燒灰為末傅之立盡

鬼遺

又以白梅肉

杵細入蜜捏成餅如錢大貼之妙

聖惠

梅治反花瘡馬齒莧一斤燒灰細研豬脂調傅

世瘡凸出寸許根如小豆或大如梅者用花脚蜘蛛絲纏其根則漸乾

多骨疽

薛多骨疽者由瘡瘍久潰氣血不能營於患處邪氣陷襲久則爛筋腐骨而脫出屬足三陰虧損之症也用補

中益氣湯以固根本若陰火發熱者佐以六味丸壯水之主以鎮陽光陽氣虛寒者佐以八味丸益火之源以消陰翳外以附子餅蔥熨法祛散寒邪補接榮氣則骨自脫瘡自斂也夫腎主骨若腎氣虧損其骨漸腫在再歲月潰而出骨亦用前法若投以剋伐之劑復傷真氣鮮有不誤者 舉人于廷器腿患流注年餘出腐骨少許午前畏寒午後發熱口乾唾痰小便頻數余以為足三陰虧損朝用補中益氣湯夕用六味丸料加黃芪當

歸五味子各三十餘劑外用豆豉餅諸症漸愈又以十
全大補之類喜其慎疾而愈 一儒者患腐骨疽失於
調補瘡口不斂日出清膿少許已而常出三腐骨其脉
但數而無邪此氣血虛瘡結膿管而不能愈經以烏金
膏日服十全大補湯而愈 上舍王廷璋患前症三年
未愈肢體消瘦飲食難化手足並冷大便不通手足陰
冷余謂此陽氣虛寒用補中益氣湯八味丸仍灸其患
處而痊 一男子上腭腫硬年餘方潰內熱作渴肢體

消瘦六脉洪大左手尤甚用補中益氣湯六味丸出腐
骨一塊仍服前藥諸症悉去瘡口亦斂 一男子十六
歲足間腫黯潰而露骨體瘦盜汗發熱口乾用十全大
補湯六味地黃丸各五十餘劑而愈不然多變瘵症或
瀝盡氣血而亡 一男子自十四歲閃足腫痛服流氣
飲外敷寒涼腐潰而至十六瘡口開張足背漫腫黯黑
骨露出形體消瘦盜汗不止發熱口舌乾燥天真已喪
用十全大補湯六味地黃丸各五十餘劑元氣漸復患

處漸赤脫落骨一塊又各五十餘劑始愈 一婦人年三十餘素弱左手背漸腫二年後潰出清膿腫黯連臂內熱晡熱自汗盜汗經水兩月一至此肝脾氣血虧損朝用歸脾湯夕用逍遙散腫處頻用蔥熨法兩月餘諸症漸愈瘡出腐骨仍服前藥前後共三百餘劑得愈

時症

時毒者為四時邪毒之氣感之於人也其候發於鼻面耳目焮赤腫痛重則咽喉頸項亦腫或漫腫無頭或結

核有根令人憎寒發熱頭痛或肢體痛恍忽不寧咽喉
閉塞醫人不識謂之傷寒便服解熱之劑一二日間腫
勢益增始知藥誤原夫此疾古無方論初發狀如傷寒
五七日間乃能殺人若能延至十日之外者不治自愈
也五日以前精神昏亂咽喉閉塞語聲不出頭面益腫
食不知味者必死之候治之無功矣然此疾有陰有陽
有可汗有可下粗工不識但云熱毒只用寒涼之藥殊
不知病有微甚治有逆從不可不審也 脉浮數者邪

在表也用葛根牛蒡子湯解毒升麻湯升麻牛蒡子散
之類以發之 脉沉實而便秘者邪氣在裏也宜梔子
仁湯 脉沉濇者邪氣入深也宜漏蘆湯大黃湯 表
實而不解者散之以芩連敗毒散 裏實而不利者下
之以五利大黃湯 表裏俱實而不解者解表攻裏以
通聖消毒散 表裏俱解而不消者和之以劫瘴消毒
飲 腫甚焮痛者砭去惡血更用消毒以普濟消毒飲
次用十神散 頭面耳項赤腫作痛咽乾發熱脉浮數

以黃芪敗毒散次以劫瘴消毒散七神散 腫痛發熱
作渴脉實便秘者以五利大黃湯次以追疔奪命湯又
次以水邊嫩柏根水煎入酒和服 腫痛發熱脉浮數
以芩連敗毒散次以退熱消毒飲又次以七神散 焮
腫脹痛作渴寒熱便秘脉數按之尤實以通聖消毒散
次以芩連消毒散又次以七神散 腫勢已盛大熱脉
實者先宜砭去惡血次以洗瘴散洗之消腫散刷之却
以蛇不見根同白梅搗傅牙斷含去涎初服追疔奪命

湯次服七神散萬病解毒丸 表邪已解腫尚不退脉滑而數乃瘀血欲作膿也以托裏消毒散潰之若脉浮數或洪數者不可托之只宜消之以烏苞子根水煎服又方以谷藤根水煎服及用祛瘴散服之 又宜於鼻內搐通氣散取十餘嚏作効搐藥不嚏者不可治如嚏出膿者治之必愈左右之人每日用嚏藥搐之必不傳染其病人亦每日用嚏藥三五次以泄熱毒此治時毒之良法也 經三四日不解者不可大下猶宜和解之

犀角連翹散之類至七八日大小便通利頭面腫起高赤者可服托裏散黃芪散

發表一人頭面腫痛服硝黃敗毒之劑愈甚診之脉浮數邪在表尚未解用荆防敗毒散二劑勢退大半更以葛根牛蒡子湯四劑而痊經云身半已上腫天之氣也身半已下腫地之氣也乃邪客心肺之間上攻頭目而為腫此感四時不正之氣也與膏粱積熱之證不同硝黃之劑非大便秘實不可用若不審其因及辨其虛實

表裏驟用攻之必致有悞常見饑饉之際芻蕘之人多患之乃是胃氣有損邪氣從之不可不察 一人腫痛發寒熱脈浮數以荆防敗毒散二劑少愈再用人參敗毒散二劑勢減半又二劑而痊 一人耳面赤腫作痛咽乾發熱脈浮數先以荆防敗毒散二劑勢退大半又以葛根牛蒡子湯四劑而痊 一人冬月病頭面赤腫耳前後尤甚痛不可忍發熱惡寒牙關緊急涕唾稠粘飲食難下不得安卧醫砭腫上四五十針腫赤不減痛

益甚予診其脉浮緊按之洪緩知為寒覆皮毛鬱遏經絡熱不得升聚而赤腫且夫天令寒凜之時腠理閉汗不出血氣強肉堅濇善用針者不得取四厥必待天溫又云冬月閉藏用藥多少針石也宜以苦溫之劑溫經散寒所謂寒緻腠理以苦發之以辛散之方名

托裏溫經湯

麻黃

苦溫發之為君
去根節二錢

防風

辛溫散之
去蘆二錢

升麻

苦辛
四錢

葛

根

甘平解肌出汗專治
陽明經邪故以為臣

白芷

當歸身

血流不行
則痛二味

辛溫以和血
散滯各二錢

蒼朮

溫熱則腫蒼朮甘溫體輕浮力雄壯能泄膚腠間濕熱一錢

人參

去蘆一錢

甘草

甘溫

白芍藥

酸微寒調中益氣使托其裏為佐各一錢半

右剉每服一兩水二盞先煎麻黃令沸去沫再下餘藥同煎至一盞去渣溫服服訖以薄衣覆首厚被覆身卧煖處使經血溫腠理開寒乃散陽氣升大汗出腫減七八分再服去麻黃防風加連翹鼠黏子腫痛悉愈經言汗之則瘡已信哉

郭氏升麻牛蒡子散

治時毒瘡疹脉浮洪在表者瘡

發於頭面胸膈之際

升麻

牛蒡子

研炒

甘草

桔梗

葛根

玄參

麻黃

錢各一

連翹

錢二

右咬咀薑三片水二盞作一服

又方 治時毒

升麻

赤芍

乾葛

青木香

甘草

防風

白芷

荆芥

牛蒡子

桔梗

金銀花

玄參

麻黃

連翹

藍葉

右薄荷煎服

芩連敗毒散 治時毒腫痛發熱左脉浮數者

防風 荆芥 黃連 黃芩 連翹 羌活 獨

活 柴胡 前胡 川芎 桔梗 藍葉 玄參

牛蒡子 升麻 赤芍藥 金銀花 白芷 甘

草 乾葛 青木香

右生薑薄荷煎服 發熱無汗加麻黃

葛根牛蒡湯 治時毒腫痛而便利調和者

葛根

貫衆

甘草

又名豆豉國老

豆豉

牛蒡子

半生半炒各二錢

右水煎服

返魂丹

治時毒瘡氣疔瘡惡瘡

硃砂

雄黃

血竭

黃丹

穿山甲

炮白礬

枯

銅青

乳香

沒藥

輕粉

蟾酥

各一錢

麝香

二分半

右為末酒煮麵糊丸如胡椒大每服二丸蔥白一根

嚼爛裹丸溫酒吞下

一人患此腫痛發熱作渴脉實便閉以五利大黃

湯下之諸證悉退以葛根牛蒡子湯四劑而痊 一人
表散藥愈熾發熱便秘診脉沉實此邪在裏也以大黃
湯下之裏症悉退以葛根牛蒡子湯浮腫亦消惟赤腫
尚存更以托裏藥潰之而愈

漏蘆湯 治時毒頭面紅腫咽喉閉塞水藥不下若素
有臟腑積熱發為腫毒疔瘡一切腫瘍惡瘡便實者

漏蘆 升麻 大黃 黃芩 甘草 藍葉 牛

蒡子 玄參 桔梗 連翹 青木香 苦參

右薄荷煎服

五利大黃湯 治時毒焮赤腫痛煩渴便秘脉實數者

大効 加連翹玄參大青甘草名梔子仁湯

大黃 黃芩 升麻 梔子 芒硝

右薄荷煎服

加減解毒丸 治時毒疔瘡瘰癧氣癰疽發背無名腫毒

解砒霜毒光粉毒鼠莽毒惡蛇毒惡犬毒蜈蚣毒白

蟻毒蜂毒菌毒惡瘡毒可以磨服可以磨塗大

効如神

五倍子

三兩

山茨菇

二兩

大戟

一兩半

硃砂

雄黃

各三錢

麝香

二錢

續隨子

去殼一兩

右為末，米泔水磨化服。冬月薄荷湯磨化服。一切腫毒。

一錠井花水磨化服。冬月薄荷湯磨化服。一切腫毒。

米泔水磨塗，或用芙蓉葉搗汁磨塗更妙。凡修合。

此藥要端午七夕重陽日，或選天德月德日，德天醫。

日最佳。合時要淨室焚香，至誠修製，勿令孝婦雞犬。

見之効驗不可具述

時毒疔瘡漏蘆散 治臟腑積熱發為腫毒時毒疔

瘡頭面洪腫咽嗑堵塞水藥不下一切危惡疫厲

漏蘆 升麻 大黃 黃芩 藍葉 玄參

各一兩 各二兩

右為粗末每服二錢水煎腫熱甚加芒硝二錢半

消毒丸 治時毒疔瘡惡證

大黃 牡蠣 白僵蠶

炒各一兩

右為細末煉蜜丸彈子大新水化下一丸無時內加

桔梗黍粘子湯尤妙

發表攻裏一人炊腫脹痛作渴煩熱便秘脉數按之尤
實用防風通聖散一劑諸證頓退以荆防敗毒散加玄
參牛蒡黃芩二劑而差 一老冬月頭面耳項俱腫痛
甚便秘脉實此表裏俱實也飲防風通聖散不應遂砭
患處出黑血仍投前藥即應又以荆防敗毒散而瘳蓋
前藥不應者毒血凝聚上部經絡藥力難達故也惡血
既去其藥自効或拘時寒遠寒及年高畏用硝黃而用

托裏與夫尋常消毒之劑或不砭泄其毒專假藥力鮮不危矣 海藏云疫毒頭腫者甘桔湯加鼠粘子大黃

芒硝

防風通聖散 治時毒熱毒便秘熱燥若時毒饑饉之

後胃氣虧損者須當審察非大滿大實不用

防風 當歸 川芎 芍藥 大黃 芒硝 連

翹 薄荷 麻黃 桔梗 石膏 黃芩 各一白

木 山梔 荆芥 各二錢
五分 甘草 二兩 滑石 一兩

右水煎服或為末白湯調下仍量人虛實

通聖消毒散 治時毒腫痛表裏俱實者

防風 荊芥 連翹 赤芍藥 當歸鬚 黃芩

麻黃 梔子 青木香 黃連 黃檗 石膏

滑石 大黃 朴硝 牛蒡子 川芎 桔梗

玄參 藍葉 甘草

右薄荷煎服 大便利去大黃朴硝

半表半裏中和湯 治時毒脉浮在半表半裏者

菖蒲 牛蒡子 川芎 羌活 防風 漏蘆

荆芥 麥門冬 前胡 甘草

各等分

右咬咀每服一兩水煎

按此出足太陽陽明例藥也

內托一婦頭面俱赤腫焮痛甚盛其脉浮數此形證俱在表也以平昔胃氣有損不可用發表之劑宜服潔古法托裏以防邪毒之內侵作內托復煎散一劑終日飲之兩日而平

內托復煎散

見前通
用諸方

內消泰和年東垣監納濟源稅時長夏多疫癘初覺憎
寒體重次傳面目腫盛目不能閉上喘咽喉不利舌乾
口燥俗云大頭天行親戚不相訪問如染之多不救張
縣丞亦得此證至五六月醫以承氣湯加藍根下之稍
緩翌日其病如故下之又緩終莫能愈漸至危篤或曰
李明之存心於醫可以請治遂命診視具說其由曰夫
身半已上天之氣也身半已下地之氣也此雖邪熱客

於心肺之間上攻頭而為腫盛以承氣下之瀉胃中之
實熱是誅伐無過殊不知適其病所為故遂處方用黃
連黃芩味苦寒瀉心肺間熱以為君橘紅玄參苦寒生
甘草甘寒瀉火補氣以為臣連翹鼠黏子薄荷葉苦辛
平板藍根味甘寒馬屁勃白僵蠶味苦平散腫消毒定
喘以為佐新升麻柴胡苦平行後急者謂前緩劑已經
高分瀉邪氣入於中是到陰部染於有形質之所苦不
速去反損陰也此却為客邪當急去之是治客以急也

且治主當緩者謂陽邪在上陰邪在下各為本家病也若急治之不惟不能解其紛而反致其亂矣此所以治主當緩也治客當急者謂陽分受陽邪陰分受陰邪主也陰分受陽邪陽分受陰邪客也凡所謂客者當急去之此治急以客也假令少陽陽明之為病少陽為邪者出於耳前後也陽明者首面大腫也先以黃芩黃連甘草通炒過剉煎少少不住服呷之或服畢再用大黃或酒浸或煨又以鼠黏子新瓦上炒香呖咀煎去渣納

芒硝各等分亦細細呷之當食後用徐得微利及邪氣已只服前藥如不已再服後藥依前次第用之取大便利邪已即止如陽明渴者加石膏少陽渴者加瓜蒌根湯陽明行經加升麻葛根芍藥之類太陽行經加羌活防風荆芥之類選而加之並舉上藥均合不可獨用散

也東垣方名普濟消毒飲子見雜病頭痛門

芩連消毒飲 治時毒發熱惡寒頭項腫痛脉洪數

防風 荆芥 連翹 柴胡 黃芩 川芎 羌

活 桔梗 藍葉 射干 白芷 牛蒡子 黃

連 甘草 青木香 金銀花

右薄荷煎服

和榮衛一婦表邪已解腫尚不消診之脉滑而數乃瘀血作膿也以托裏消毒散潰之而愈 一婦腫痛用硝

黃之劑攻之稍緩翌日復痛診之外邪已退亦瘀血欲作膿亦以前藥潰之愈 一人表裏俱解惟腫不消以

托裏消毒散四劑膿成針之而愈 少宰李蒲汀用發

散之藥耗損元氣患處不消體倦惡寒食少口乾用補
中益氣加桔梗及托裏消毒散而愈 秋官陳同野元
氣素弱脉微細而伏此形病俱虛也用參朮芎歸陳皮
柴胡升麻炙甘草以升舉陽氣用牛蒡玄參連翹桔梗
以解熱毒二劑腫頓消而脉亦復矣苟以脉微細為屬
陰以腫赤為屬陽而藥之鮮有不誤者 一婦人潰後
腫赤不消食少體倦膿清色白乃脾肺氣虛也先用六
君加桔梗芎歸後用益氣湯加桔梗而斂

搐鼻通氣散

治時毒焮腫咽喉不利取嚏以泄其毒

玄參

一錢半

豬牙皂角

川芎

各一錢

北細辛

草烏

頭 藜蘆 羊躑躅花

右為末用紙摺蘸少許入鼻內取嚏為度一日二次

流注

薛流注之證或因飲食勞倦脾胃傷損或因房勞陰虛陽氣湊襲或因營氣不從逆於肉理或因腠理不密外邪客之或暴怒傷肝或鬱結傷脾或濕痰流注或跌撲

血滯或產後惡露皆因氣血凝滯而成也或生於四肢
關節或生於胸腹腰髻或結塊或漫腫或作痛皆元氣
虧損所致悉宜葱熨及用益氣養榮湯固其元氣則未
成者自消已成者自潰若久而不斂佐以豆豉餅琥珀
膏祛散寒邪補接陽氣若內有膿管而不斂者用針頭
散腐化之經云形傷痛氣傷腫又曰真氣奪則虛邪氣
盛則實若不補氣血節飲食慎起居戒七情而專用寒
涼尅伐其不死者幸耳 黃不串流者俗曰馬瘻串流

者名曰走散流注俗曰瓜藤馬瘕外形微腫骨節內疼甚名曰朔骨馬瘕若遍身骨節內疼痛不能起坐無堆作熱不退者亦曰朔骨馬瘕若脊骨及髀骨上起堆或一二个或三五个名曰過脊馬瘕若尾骶骨上起堆作熱者名曰殺著馬瘕若髀骨下痛甚無堆但腫者名曰鎖脚馬瘕若骨相交接之處疼痛無堆微腫名曰接骨馬瘕此證因風熱走散四肢治當疎風散熱初起不可用火針烙之腫勢盛者只宜刺以稜針久熟者可火針

烙之流注入股者死 傷寒餘邪未盡者和解之以人

參敗毒散次以小柴胡合二陳湯加羌活川芎枳殼當

歸白朮 暴怒所致胸膈不利者調氣為主宜方脉流

氣飲 抑鬱所致而不痛者宜調經脉補氣血益氣養

榮湯 腫硬作痛者行氣和血宜瘡科流氣飲 潰而

不斂者益氣血宜人參養榮湯十全大補湯 脾氣虛

濕熱凝滯肉理而致者但腫一塊不痛肉色不變飲食

少思宜健脾除濕六君子湯加芎歸黃芪白芍肉桂

閃肭瘀血凝滯為患者和氣血調經絡宜方脉流氣飲
次以二陳合四物加香附烏藥桔梗 寒邪所襲筋攣
骨痛或遍身痛宜溫經絡養氣血宜大防風湯及五積
散合敗毒散加川牛膝杜仲或獨活寄生湯次以四物
湯加黃芪羌活杜仲 病尚有潮熱者裏有寒邪未盡
散宜榮衛返魂湯加乾葛升麻紫蘇川芎獨活薑水煎
服 如無潮熱用榮衛返魂湯加獨活酒水各半煎服
接骨馬瘕用穿山蜈蚣白田柯石楠藤山良薑九節

香紫金皮含笑葉煎水時時熱淋洗之却服續骨散九

金六馬散 起堆核數枚但小些名馬疔又名馬鈴用

紫金鍾紫金皮紫河車天南星磨醋煖塗又用紫金皮

紫金藤紅內消馬蹄香馬蹄藤煎酒服 鎖腳馬瘻用

野芋子根馬藍草蓼盧子紫河車山枇杷根皮山布瓜

根紫金皮搗爛鹽糟炒縛又以前水熱淋洗之却服輕

脚散九金六馬散 朔骨馬瘻用穿山蜈蚣紫金皮石

楠藤白田柯溪楓根九節香對節金驚煎水淋洗却服

啣骨散 九金六馬散 四味浸酒方 過脊馬瘕用山柰

杷根皮 藜蘆子 小樟子 根皮 天門冬 天南星 仙人掌 根

山布瓜 根 赤牛膝 半夏 凌霄根皮 佛桑花 馬藍草 野芋

子 根 天銅 柯普營子 根皮 赤毛桃 根皮 赤芍 根皮 搗爛

半 泔 半 醋 調 煖 刷 渣 封 瓜 藤 馬 瘕 並 効 却 服 蠲 脊 散 九

金六馬散 瓜藤馬瘕用山布瓜根多赤葛子根皮樟

柳根紫金皮紫金鍾落鴉鎗根七葉楊香天花粉真珠

簾根白芙蓉葉凌霄根皮溪楓根皮赤毛桃根皮搗爛

鹽糟炒縛之又方山布瓜根葛合根紫河車黎蘆子馬
鞭穢紫金皮山枇杷根皮凌霄根皮佛桑花落鴉鎗根
白田柯搗爛鹽糟炒縛之又方山布瓜根紫金皮溪楓
根皮搗爛酒炒縛之此方馬瘕並大効却服九金六馬
散四味浸酒方又用洗腫方熱淋之 殺著馬瘕用紫
河車山枇杷根皮黎蘆子山布瓜根凌霄根皮佛桑花
葛合根石萍搗爛醋調刷渣封用洗腫方淋洗却以九
金六馬散蠲散服之 諸馬瘕有熱者用去熱散有

表者用荆防敗毒散有裏者用內疎黃連湯有表復有裏者用追疔奪命湯却用水金鳳搗爛縛核堆上即効
馬瘕有熱未成服藥即能退之若已成者但要出膿其熱即退若生堆核四五個只一二個未成膿餘者皆已出膿其熱亦不能退要五個盡出膿熱方退也 若潰爛者即係潰瘍宜查本門治之

治驗一人因怒脇下作痛以小柴胡對四物加青皮桔梗枳殼而愈 一人鬻腫一塊微痛脉弦緊以瘡科流

氣飲四劑而消 一人因怒脇下腫痛胸膈不利脉沉
遲以方脉流氣飲數劑少愈以小柴胡對二陳加青皮
桔梗貝母數劑頓退更以小柴胡二十餘劑而痊 一
婦因閃肭肩患腫遍身作痛以黑丸子二服而痛止以
方脉流氣飲二劑而腫消更以二陳對四物加香附枳
殼桔梗而愈 一婦腿患筋攣骨痛諸藥不應脉遲緊
用大防風湯一劑頓退又二劑而安 又一婦患之亦
然先用前湯二劑更服黑丸子而痊此二患若失治潰

作敗症 一婦稟弱性躁脇臂腫痛胸膈痞滿服流氣
敗毒反發熱少食用四七湯數劑胸寬氣利以小柴胡
對四物加香附陳皮腫痛亦退 一人腿患潰而不斂
用人參養榮湯及附子餅灸更以補劑煎膏貼之兩月
餘愈 一人脾氣素弱臂腫一塊不痛肉色不變飲食
少思半載不潰先以六君子加芎歸芍藥二十餘劑飲
食漸進更以豆豉餅日灸數壯服前藥再加黃芪肉桂
三十餘劑膿熟針去以十全大補湯及附子餅灸之月

餘而愈 一人腿腫肉色不變不痛脉浮而滑以補中
益氣湯加半夏茯苓枳殼木香飲之以香附餅熨之彼
謂氣無補法乃服方脉流氣飲愈虛始用六君子湯加
芎歸數劑飲食少進再用補劑月餘而消 夫氣無補
法世俗論也以其為病痞滿壅塞似難為補殊不知正
氣虛不能運行則邪氣滯而為病不用補法氣何由行
乎 一人臂腫筋攣骨痛年餘方潰不斂診脉更虛以
內塞散一料少愈以十全大補湯及附子餅灸而愈

精要云留積經久極陰生陽寒化為熱以此潰多成癰
宜早服內塞散排之 一人腿腫一塊經年不消且不
作膿飲食少思強食則脹或作瀉日漸消瘦診脈微細
此乃命門火衰不能生土以致脾虛而然也遂以八味
丸飲食漸進腫患亦消 一人背髀患之微腫形勞氣
弱以益氣養榮湯間服黑丸子及木香生地黃作餅覆
患處熨之月餘膿成針之仍服前藥而愈 一人腿患
久而不斂飲大補藥及附子餅以針頭散絀之而愈

一人臂患年餘尚硬飲食少思朝寒暮熱八珍湯加柴胡地骨皮牡丹皮月餘寒熱少止再用益氣養榮湯附子餅灸兩月餘膿成針之更服人參養榮湯半載而愈

一婦膿潰清稀脉弱惡寒久而不愈服內塞散灸附子餅而瘳

一人臂患出腐骨三塊尚不斂發熱作渴脉浮大而濇乃氣血俱損須多服生氣血之劑庶可保全彼謂火尚未盡乃用涼藥內服外敷幾危求治其形甚悴脉愈虛先以六君子加芎歸月餘飲食漸進以八

珍湯加肉桂三十餘劑瘡色乃赤更以十全大補湯外以附子餅僅年而差 一老傷寒表邪未盡股內患腫發熱以人參敗毒散二劑熱止灸香附餅又小柴胡加二陳羌活川芎歸朮枳殼數劑而消 侍御朱東溪左脇下近腹肝膽經部分結一塊四寸許漫腫不赤按之則痛余曰此當補脾胃彼謂腫瘍宜表散乃服流氣飲後胃氣頓虛始信余言遂用四君子加芎歸酒炒芍藥薑桂胃氣復而惡症退乃去乾薑加黃芪數劑微赤微

痛又三十餘劑焮腫大痛此膿內潰也遂針之用補中
益氣湯加減八味丸而愈 一男子脇腫一塊日久不
潰按之微痛脉微而瀋此形證俱虛當補不當瀉乃用
人參養榮湯及熱艾熨患處膿成以火針刺之用豆豉
餅十全大補湯百劑而愈 一婦腰間患一小塊肉色
如常不潰發熱予欲治以益氣養榮解鬱之劑彼却別
服流氣飲後針破出水年餘而歿又一婦久不斂忽發
寒熱予診其氣血俱虛彼反服表散之劑果發大熱亦

歿 一人元氣素弱患此胸膈不利飲食少思予欲健
脾解鬱養氣血彼反服辛香流氣之劑致腹脹又服三
稜蓬朮厚朴之類飲食少四肢微腫兼腰腫一塊不潰
而歿 一婦經不調兩月或三月一至四肢腫飲食少
日晡發熱予曰此脾土氣血虛也用養脾滋氣血藥飲
食進則浮腫自消血氣充則經水自調彼以為緩用峻
劑先通經果腹疼泄不止遍身浮腫飲食少沒於木旺
之月 一人年踰二十小腹腫硬逾年成瘡頭破時出

血水此七情所傷營氣逆于肉理也名曰流注診之肝
脉濇蓋肝病脉不宜濇小腹正屬肝經須濇屬金脉退
乃可予欲以甘温之藥補其氣血令自消潰彼不信乃
服攻伐之藥氣血愈虛果殁于金旺之月 一男子腹
患此腫硬不潰脉弱時嘔欲用敗毒等藥余謂腫硬不
潰乃陽氣虛弱嘔吐少食乃胃氣虛寒法當温補脾胃
彼不信仍用攻伐而嘔愈甚復請治脉微弱而發熱余
曰熱而脉反靜脫血脉反實汗後脉反躁者皆為逆也

辭不治後果歿

瘡科流氣飲 治陰發流注恚怒氣結堆核腫硬作痛

或胸膈痞悶或風寒濕毒搏於經絡或血不和結成

腫塊肉色不變或漫腫木悶無頭或陰發巖乳等證

未成速散已成速潰敗膿自出惡肉自去非常之驗

桔梗 人參 當歸 肉桂 甘草 黃芪

鹽水炒

厚朴薑製 白芍藥 紫蘇 烏藥 防風 枳殼

檳榔 南木香 川芎 白芷

右生薑煎服 疼痛加乳香沒藥 不乾加知母貝
母 瘡不乾加炒皂角刺 流注加羌活獨活 氣
滯加香附 胃虛加陳皮

此乃行氣散血之劑若服之過度則氣血虛耗何以
為膿學者知之

敗毒流氣飲 治流注初發堆核硬痛不可忍者宜用
此藥疎邪流氣

羌活 獨活 青木香 赤芍藥 當歸 紫蘇

陳皮 香附 白芷 三稜 蓬莪茂 枳殼

川芎 桔梗 紫胡 半夏薑製 赤茯苓 甘草

右生薑生地黃煎服 熱加大黃黃芩 虛加人參

黃芪

方脉流氣飲 治陰發流注瘰癧及鬱結腫聚結塊或
走注疼痛或心胸痞悶脇腹脹滿嘔吐不食上氣喘
急咳嗽痰盛或面目四肢浮腫大小便秘者

紫蘇 青皮 白芍藥 當歸 白茯苓 烏藥

桔梗炒半夏薑製黃芪炒川芎 枳實炒陳皮 防

風 南木香 大腹皮 甘草 檳榔 枳殼

右生薑煎服 流注加羌活獨活白芷稍 小便不

通加木通梔子 浮腫加豬苓澤瀉 氣滯加香附

血滯加肉桂 嘔吐加藿香 癰瘕加夏枯草

此行氣耗血之劑不過二三劑止之不可多服

去熱散 治馬瘕發熱者此藥退熱腫瘍亦効

吉面消 山烏豆 雞屎子 雞距根 水坊子

過山龍

金涼傘

大葉

白根子

紫金藤

九牛天

竹

臭木待根

連义大青

落鴉爪藤

右水煎服

九金六馬散

治馬瘕流注馬瘰馬面馬腿馬挪癰疽

腫瘍乳癰脇癰便毒頭風風核等發者

鐵馬鞭

白馬骨

地馬梢

紫金藤

馬蹄藤

金星草

金驚根

金銀花

山紅花

根

馬蹄金

紫金皮

金涼傘

根

金腦香

山烏豆

雞屎子

毛裏金釵 水滾子根 穿山蜈蚣

右水煎入酒和服

散血消核湯 治馬瘰

紫金皮 大薊根 山蘇木 溪楓根 山烏豆

雞屎子 赤牛膝 馬蹄金 馬蹄藤 鐵馬鞭

白馬骨 馬蹄香 穿山蜈蚣

右水煎入酒和服

二馬散 治馬瘰

馬蹄金 鐵馬鞭 撥雪根

右水煎入少酒和服

立效散 治馬瘕

水滾子根

又名溪楓根又
名水楊柳多

淡茶櫟根中晚祥西根

少

右水煎入酒和服或合六馬散亦効

浸酒方 治馬瘕

老公鬚

根

毛裏金釵

根

狗骨子

根

大葉毛吹曲

右浸酒煖服不可煎

續骨散 治接骨馬瘕

天燈心 紫草 赤牛膝 山蘇木 鈎鈎藤

馬蹄香 馬蹄金 紫金皮 天花粉 白馬骨

鐵馬鞭 臭木待 酒罈子

根

右酒水各半煎服

輕脚散 治鎖脚馬瘕

天燈心 紫背草 赤牛膝 鈎藤根 山蘇木

酒擗根 白馬骨 馬蹄金 鐵馬鞭 穿山蜈

蚣

右酒水各半煎服

啣骨散 治啣骨馬瘕

馬蹄金 馬蹄藤 白馬骨 紫金皮 鈞鈞藤

鐵馬鞭 酒壘根 馬蹄香 天燈心 山蘇木

赤牛膝 地茄根 紫金藤 李子根 臭木待

根 烏苞子根 穿山蜈蚣

右水酒各半煎服

蠲脊散 治過脊馬瘕

紫金皮 天燈心 酒壘根 馬蹄香 馬蹄金

紫背草 狗骨根 地茄根 山蘇木 白馬骨

鐵馬鞭 臭木待根

右生地黄酒水各半煎服

蠲骶散 治殺著馬瘕

溪楓根 白田柯 赤牛藤 白馬骨 撥雪根

馬蹄金 金腦香 馬蹄藤 馬蹄香 地馬梢

根 穿山蜈蚣

右水酒各半煎服

退創散 治馬瘡滿身創人轉動不便

地馬梢根 白馬骨 鐵馬鞭 頭形花根 雞

屎子 詐死子 馬蹄金 山茄根 狗骨根

對節金驚根

右水煎入酒和服

釣鈎藤散

治馬瘕腫瘍病後筋脉拘急

釣鈎藤

伸筋藤

石楠藤

羊帶歸根

天燈

心

狗骨子根

真珠蘆根

豨薟草根

右水煎入酒和服

馬鞭散

治馬瘕

石楠藤

涼藤子

晚祥西

雪裏開

馬蹄金

鐵馬鞭

鬼腰帶根

右水煎入酒和服又用雪裏開搗糟炒縛之又用樟

樹根皮山枇杷根皮搗糟炒縛之

妙草散 治病馬瘡

白根子 赤芎根皮

右搗糟炒縛之又用七層樓煎酒服之

二妙散 治滿身起堆是馬瘡

馬蹄香 香圓橘葉

右搗爛糟炒縛之又用秦椒酒煎

楊梅瘡

或問廣瘡何如曰此肝腎二經濕熱或色慾太過腎經
虛損感邪穢之氣而成或因下疳畜毒纏綿不已而作
一名翻花瘡肉反於外狀如蠟色有如綿花故又名綿
花瘡此則邪毒盛細小者名廣豆或如赤根膿窠此則
邪毒淺凡患此證先宜食毒物以發之後服通聖散之
類須用土茯苓對停服毒勢既殺八珍十全大補湯之
類以補氣血必守禁忌方獲全愈大忌房勞如犯之服
藥不効慮後結毒一忌酸醋酸斂邪毒後結廣癬一忌

白腸能發鬱火以致纏綿不已一忌輕粉及冷水致後筋骨疼痛結成風塊或一二年或數年方發其狀堅硬肉色平淡或痛或痒多結於骨節頭面喉鼻之間經絡交會之處已破則膿水淋漓甚可畏也輕則發廣癬亦名千層癬多生手心足底重疊不已又有餘毒亦名氣毒筋骨疼痛來去不定亦名濕毒筋骨痛酸乍作乍止宜隨其淺深治之先服消風散毒後服補劑瘡勢盛及結毒深者必用熏藥後服通聖散以泄火毒後服八珍

湯大補湯之類弱者不宜重恐不能勝火氣也 薛屬
元氣不足邪氣所乘亦有傳染而患受症在肝腎二經
故多在下體發起有先筋骨痛而後患者有先患而後
痛者初起脉浮數邪在脾肺經也先用荆防敗毒散解
散之脉弦數邪在肝膽經也先用龍膽瀉肝湯清解之
脉沉數邪在臟腑也先用內疎黃連湯通導之後用換
肌消毒散為主愈後再無筋骨疼痛之患若瘡凸赤作
痛熱毒熾盛也瘡微作痛毒將殺也瘡色白而不結痂

陽氣虛也色赤而不結痂陰血虛也搔痒脉虛浮氣不能相榮也搔痒脉浮數血不能相榮也醫背間或頸間作痒膀胱陰虛也陰器間或股內痒肝經血虛也陰囊作痒重墜肝經陰虛濕熱也小便頻數短少色赤肝經陰虛也小便頻數色白短少脾肺氣虛也面目搔痒或搔變赤外邪相搏也眉間痒或毛落肝膽血燥也飲食少思口乾飲湯胃氣虛也飲食難化大便不實脾氣虛也侵晨或夜間泄瀉脾腎虛也若治失其法有蝕傷眼

目腐爛玉莖拳攣肢體者但用九味蘆薈丸以清肝火
六味丸以生腎水蠲痺解毒飲以養血祛邪亦有可愈
者若誤用輕粉等劑反為難治 濕勝者宜先導濕

表實者宜先解表 裏實者宜先疎裏 表裏若俱實

解表攻裏 表虛者補氣 裏虛者補血 表裏俱虛

者補氣血 一人遍身皆患左手脉數以荆防敗毒散

表症乃退以仙方活命飲六劑瘡漸愈兼單薛湯月餘
而痊 一婦焮痛發熱便秘作渴脉沉實以內疎黃連

湯二劑裏症已退以龍膽瀉肝湯數劑瘡毒頓退間服
單辭湯月餘而痊 一人下部生疔諸藥不應延及遍
身突腫狀如翻花筋攣骨痛至夜尤甚此肝腎二經濕
熱所致先以導水丸進五服次以龍膽瀉肝湯數劑再
與除濕健脾之藥外貼神異膏吸其膿隔蒜灸拔其毒
而愈 若表實者荆防敗毒散 裏實者防風通聖散
氣虛者四君子 血虛者四物仍加兼症之藥並愈
若服輕粉等藥反收毒于內以致迭發 槩服防風

通聖則氣血愈虛因而不治者多矣 一人患之發寒
熱作渴便秘兩手脉實用防風通聖散而退以荆防敗
毒散兼龍膽瀉肝湯而痊 一人患之腫痛先以龍膽
瀉肝湯導水丸各四劑少愈再以小柴胡加黃檗蒼朮
五十餘劑而平 一人玉莖腫潰小便赤澁肝脉弦數
以小柴胡加木通青皮龍膽草四劑又龍膽瀉肝湯數
劑而痊 一童玉莖患之延及小腹數枚作痛發熱以
小柴胡湯吞蘆薈丸更貼神異膏月餘而痊 一人愈

後腿腫一塊久而潰爛不斂以蒜搗爛傳患處以艾灸
其上更貼神異膏反服黑丸子并托裏藥兩月而愈
一婦然輕粉藥於被中熏之致遍身皮塌膿水淋漓不
能起居以滑石黃礬為末菘豆粉等分鋪席上令可卧
更以金銀花散月餘而痊 一人皆愈但背腫一塊甚
硬肉色不變年餘方潰出水三載不愈氣血俱虛飲食
少思以六君子湯加當歸藿香三十餘劑更飲葶藶湯
兩月餘而痊 一人患之勢熾兼脾胃氣血皆虛亦服

前藥而瘥 一婦患之皆愈惟兩腿兩膝各爛一塊如
掌無筋攣骨痛三載不愈諸藥不應朝晡熱甚飲食少
思以萆薢湯兼逍遙散倍用白朮茯苓數劑熱止食進
貼神異膏更服八珍湯加牛膝杜仲木瓜三十餘劑而
痊 一人楊梅瘡後兩腿一臂各潰二寸許一穴膿水
淋漓少食不睡久而不愈以八珍湯加茯苓酸棗仁服
每日以蒜搗爛塗患處灸良久隨貼膏藥數日稍可却
用豆豉灸更服十全大補湯而愈 凡有腫硬或作痛

亦用蒜灸及敷中和膏內服補藥並効 一儒者患前
證先玉莖作痒出水後陰囊股內小腹脇臂發小癩或
乾膿窠誤服祛風等藥肢體倦怠惡寒發熱飲食漸減
大便不實左尺洪數左關弦數右關浮緩按之微弦余
曰此患屬肝膽經也左關脉弦左尺脉浮數者腎水少
而虛熱傳於肝也右關脉浮緩脾胃之氣弱也按之而
弦者肝木乘脾土也用六味地黄丸補中益氣湯為主
佐以換肌消毒散而愈 一儒者患前症色焮赤作痛

大便秘而不實服祛風敗毒等藥舌痛口乾脉浮而數
此邪氣去而陰虛所致用六味丸料加山梔當歸四劑
脉症頓退又用八珍湯加山梔丹皮瘡色漸白後用四
君加歸芪而愈 一患者服攻毒等藥患處凸而色赤
作痛肢體倦怠惡寒發熱脉浮而虛此元氣復傷而邪
氣實也用補中益氣湯二劑而痊 一儒者患之誤服
祛風消毒之藥復傷元氣因勞役過度內熱口乾齒齦
作痛右關脉洪數而虛此脾胃受傷而火動用清胃散

之類而愈 進士劉華甫患之數月用輕粉硃砂等藥
頭面臂鬢各結一塊二寸許潰而形氣消弱寒熱口乾
舌燥唇裂小便淋漓痰涎上湧飲食少思此脾胃傷諸
臟弱而虛火動也先用六君子二十餘劑又用補中益
氣加山茱萸山藥麥門五味服之胃氣復而諸症愈惟
小便未清痰涎未止用加減八味丸而痊 一儒者患
之頭面搔痒或成粒或成片或出水脾肺脉俱洪數此
風邪所傷先用荆防敗毒散加萆薢釣鈎藤數劑漸愈

但口乾內熱用四物加山梔釣藤金銀花甘草節而愈
後遍身搔痒內熱口乾佐以六味丸而痊 一商人每
勞役飲酒後則遍身生瘡服祛風敗毒之劑面目胸背
臂脇結一塊如桃栗凹凸痒痛膿水淋漓氣血虛甚寒
熱往來作渴痰壅此濕熱壅盛元氣虛而不能愈也外
敷當歸膏內服補陰八珍加草薢五錢并換肌消毒散
加乾葛釣鈎藤各一錢二十餘劑諸症漸退仍以前藥
為主佐以調理之劑兩月餘血氣復而瘡愈

草薺湯

川草薺

一名土茯苓
俗呼冷飯團

每服貳兩水三鍾煎一鍾半去渣徐溫服病甚患
久者以此一味為主而加以兼證之劑

換肌消毒散 治時瘡不拘初起潰爛

土茯苓

五錢

當歸

酒洗

白芷

皂角刺

薏苡仁

各一錢

白鮮皮

木瓜

不犯鐵器

木通

金銀花

各七分

炙甘草

五分

右水煎服

蠲痺消毒散

治時瘡肢節拘攣

薑黃

土茯苓

獨活

各五錢

白朮

當歸

各一錢五分

赤芍藥

錢一白芷五分

右水煎服

蠲毒換肌飲

治楊梅瘡

冷飯團

白色者木槌打碎四兩

右以長流水肆大碗入砂鍋內煎至三椀入後藥

黃瓜萋

連仁杵爛或細切一個

黃芪

鹽水炒三錢

白芍藥

當歸

各一錢半 木瓜 白芷 風藤 白蘚皮 貝母 天

花粉 穿山甲 皂角刺 甘草節 各一錢 漢防已

七分 鼈虱 胡麻 炒研 二錢 金銀花 豬胰子 切碎 一兩

右再煎至一大椀通口頓服胃弱者分為二服日三服

又方

木瓜 牛膝 去蘆 生地黃 當歸 金銀花 貝母

已上各二錢 粉草節 五加皮 天花粉 地骨皮 已上

各一錢半 鼈虱 胡麻 仁 炒香研 二錢半 白芷 大風藤 各一錢 薏

苡仁

炒三錢

柴胡

五獨核肥皂子

去硬殼七個

皂角子

七個

炒打冷飯團

四兩白色者可

用木槌打碎

豬胰子

二兩切碎白蘚皮

壹錢
二分

河水三大椀入砂鍋內煎至一大椀空心上下午飢

時各一服忌食茶醋牛肉河鮑豬肝腸

洗湯方

五倍子

四兩

皮硝

一兩

地骨皮

三兩打碎

甘草

一兩五錢作片

艾葉

二蔥
十枝

入麻布囊中煎極濃湯一鍋勿侵生水先以一分滾湯乘熱熏洗旋添熱湯浴至汗出為度浴時先服煎藥一服

點藥方

真輕粉

五分

杏仁

七粒
去皮

冰片

三
釐

三味同搗極爛洗淨點上

楊梅瘡丸藥方

白花蛇

四寸
酥炙

露蜂房

一枚
燉

全蠍

四枚
酒浸
去足
螫

蜈蚣

二條

龜板

一兩

雄黃

飛丹

各一錢

槐花米

兩前

細茶

各五錢

孩兒茶

辰砂

各五分

麝香

三分同研為衣

右用黃米飯為丸日進二三服好酒送下七日後瘡

即光矣 當加樺皮灰

發癩瘡毒方 用雄羊肉一斤水八椀煮熟入後藥

川芎

大黃

蟬蛻

麻黃

威靈仙

各一兩此味虛人

不可多用

共五味入羊肉內煎至一大椀空心服其羊肉任意

食之益被取汗天明洗浴 只用一貼立効

圍藥方

丁香

檀香

沉香

乳香

各五錢

赤石脂

三兩

麝香

一錢桑霜

二兩

醃水調圍

廣瘡膏 亦治結毒

黃連

黃蠟

各三錢

木鼈子

去殼

蘄艾

各二錢

韶粉

白

蠟 各一錢

雄黃

一錢

蘆甘石

五錢

龍骨

五分

冰片

一分

香油煎膏 原方有樟腦三錢恐作痛故去之

熏法 治楊梅瘡毒流注四肢或偏身結成大瘡久不

能愈者用此法熏之極妙能收輕粉毒

好艾葉

一斤

按熟雄黃

一兩

黃丹

一兩

松香

四兩

蒼朮

半斤

米
泔製過

右四味為末入艾拌勻用黃紙做成藥筒五寸長以

火燒著一頭將煙熏瘡口待筒燒過一半去筒用水

銀膏貼之次日又洗又熏之半月有效如重二十日

有效

洗藥方

石菖蒲 荆芥 防風 羌活 獨活 金銀藤

地骨皮 何首烏 甘草

右日日煎湯洗之


水銀膏 亦治膿瘡

無名異 水銀 銀硃 黃丹 百草霜

各等分

右研極細和勻用桐油調成膏油紙攤作隔紙膏貼之其油紙先用黃連黃檗煎湯刷數遍然後攤貼

又捷法 治楊梅瘡不問新舊並効不過旬日用膽礬
白礬末并水銀各三錢半入香油津唾各少許和勻坐
無風處取藥少許塗兩脚心以兩手心對脚心擦磨良
久再塗藥少許仍前再擦用藥盡即卧汗出或大便去
垢口出穢涎為驗連擦三日煎通聖散澡洗更服內疎
黃連湯或敗毒散愈後服單解湯有熱加芩連氣虛參
芪血虛四物之類



證治準繩卷一百十四